



UNIVERSITÄTS-
BIBLIOTHEK
PADERBORN

**De Vita Et Rebus Gestis Christophori Bernardi Episcopi Et
Principis Monasteriensis Decas**

Alpen, Johann von

Coesfeldiae, 1694

33. Friquetij ad Batavos oratio.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

omnia integra manere ; aliud nimirum
 agi, & potestatem Principis, falso li-
 bertatis & privilegiorum obtentu peti,
 quam inconcussam servari nullius magis
 intersit, quam omnium Principum, ne
 persimili exemplo ipsi aliquando à suis
 opprimantur.

Hæc inter Hagam ocyus ablegat Jo-
 docum Ethmundum *Brabeckium* Cathe- *Brabeck-*
 dralis Collegij Decanum, specie quidem *kius Ha-*
 salutandi Viduam Auriaci & filium Prin- *gam Le-*
 cipem, unaque numerandi pactam pecu- *gatur.*
 niarum partem, quæ ex transactione *Be-*
vergernensi stato tempore debebatur: re
 autem verâ uti Monasterienses studiosè
 observet, & sub manu, ut erat vir dex-
 ter, ordines divertat, ne postulatis eorum *Ejus*
 suffragentur. Nec inutilis fuit ejus præ- *dexteri-*
 sentia ; nam sub id Hagam appulsus pa- *tas.*
 lam quidem agit in aula Auriaci, & cum
 Cæsareo, & Electoris Brandenburgici Mi-
 nistris, sed & clam cum primoribus Pro-
 cerum Hollandiæ, & imprimis famoso
 Provinciæ istius Oratore *Joanne Wittio*,
 quorum operâ animos Ordinum diu su-
 stentavit, ne Monasterienses responsum
 obtinerent.

Friquetius etiam excitator, pro- 33.
 lixâ statim oratione, die octavâ decimâ *Friquet-*
 Novembris Reip. probat, & quæ acta *tij ad*
 sint apud Cæsarem, & quid tandem Au- *Batavos*
 licum *oratio.*

1659.

456 CHRISTOPH. BERNARD.

licum Imperij Tribunal decreverit; deinde
addit, esse quosdam Monasterii turbu-
lentosiores, qui contra prudentiorum, ho-
nestiorumq; Civium voluntatem execu-
tioni sententiae adversari ausint, non
alio firmatos duramento, quam sola
suppetiarum istius aris ac militis ab hac
Rep. obrinendi, quae sufficiant animi
contumaciam obfirmandu. Et quae
vis Sacra Caesarea Majeestas opinari
lit, istius mentis Remp. hanc esse, et
contra gentium omnium, & aequitatem
naturalis, mutuaeque vicinorum amicitiae
iura, consilia, armaque sua convertat
in fomentum obstinationis populi tem-
eriter refragantis. Ut tamen in re tam
ponderis ipsius certior sit iussum se, viam
Caesaris sui Ordines interpellare, et
causa hanc ad Remp. nullatenus perti-
nenti sese implicent; nec pessimo sub-
ditorum omnium & iuprimis municipa-
lium Civitatum exemplo, Tribunalium
Imperij vigorem interturbent; sed
Principum Germania totius, quorum
aque ac Episcopi Monasteriensis inter-
sit, offensionem evitent. Caesaris im-
perio se inpraesentiarum obsequi, &
cum innotuerit, non sine Sacra Maje-
statis suae, eiusque mandatorum maiore
contemptu, ausos in publico Ordinum
confessu Civitatis Syndicum & alterum
Civem

1659.

Civem suppetius ab hac Rep. postulare;
 vel ideo magis rogare se obligatum, rem
 hanc ut maturius Ordines perpendant,
 & pro eâ, quam profiteantur, pruden-
 tiâ & equitate, mutuâque inter Impe-
 rium & Remp. hanc amicitia, responso 18. Nov.
 Casarem dignentur.

In Principatu verò Monasteriensi
 cum Patria Nobilitas, videret Civitatis
 Deputatos è Comitibus nuper abeuntes non
 reverti, & quotidie mala invalescere, de
 sna æquè ac Provinciæ totius, quam sa-
 lute Civitatis sollicita, Principem rogat,
 liceat sibi cum Monasteriensibus iterum
 concordiam experiri. Annuente Præsule
 Deputati iidem, qui obsessâ nuper Ci-
 vitate pacem conciliârunt, ea suggerunt
 consilia, quæ efferatos etiam animos vi-
 debantur pacatura; monent, obsecrant,
 hæc uti saniora tempestivè amplectantur;
 se audiant Caduceatores, qui promovere
 compositionem velint, qui possint; sin
 secus; nullum postea Civi diem securum
 fore. Ad arma si deveniatur, non depo-
 ni ea nisi arbitrio Victoris. Ne fidant
 nimium secundis, neque viribus extero-
 rum. Sæpius eas ostentari, nec rarò fal-
 lere. Ab obsidione postremâ mutatam
 rerum faciem. Prodiisse sententiam Cæ-
 saris; & Principis plurium foederibus in-
 nexi potentiam crevisse. Iterum orare

34.
 Nobili-
 tas iterum
 concor-
 diam
 tentat.

Gg

ut